



**BAHAGIAN KESELAMATAN INDUSTRI
JABATAN KESELAMATAN DAN KESIHATAN PEKERJAAN MALAYSIA**

**PANDUAN BAGI PERMOHONAN PENDAFTARAN DAN PEMBAHARUAN
OPERATOR DANDANG STIM**

2024

Kandungan

1.0	PENDAHULUAN	3
2.0	PUNCA KUASA	3
3.0	TAFSIRAN	3
4.0	SKOP	3
5.0	SYARAT-SYARAT PERMOHONAN	4
5.1	Kelayakan Am Permohonan Sebagai Operator Dandang Stim Gred Dua (2) & Gred Satu (1).....	4
5.2	Kelayakan Khusus Permohonan Sebagai Operator Dandang Stim Gred Dua (2)	4
5.3	Kelayakan Khusus Permohonan Sebagai Operator Dandang Stim Gred Satu (1)	4
5.4	Kelayakan Permohonan Pembaharuan Operator Dandang Stim.....	4
6.0	PANDUAN MENGISI BUTIRAN PERMOHONAN.....	5
6.1	Kategori Permohonan.....	5
6.2.	Panduan Mengisi Butiran Permohonan.....	5
7.0	DOKUMEN.....	7
8.0	PEMAKLUMAN	8
9.0	FI	8
10.0	PIAGAM PELANGGAN	8

1.0 PENDAHULUAN

Panduan ini disediakan untuk rujukan pemohon semasa membuat permohonan pendaftaran baru dan permohonan pembaharuan Operator Dandang Stim bagi memastikan pemohon mendapat panduan yang tepat dan jelas serta mengelakkan kekeliruan kepada pihak pemohon berkenaan hal-hal berkaitan permohonan pendaftaran baru dan permohonan pembaharuan Operator Dandang Stim. Panduan permohonan ini terbahagi kepada dua (2) iaitu:

- a. Panduan Permohonan Pendaftaran Baru:
 - i. Operator Dandang Stim Gred Satu (1)
 - ii. Operator Dandang Stim Gred Dua (2)
- b. Panduan Permohonan Pembaharuan

Kaedah permohonan adalah secara atas talian di sistem MyKKP (<http://mykkp.dosh.gov.my>)

2.0 PUNCA KUASA

Seksyen 31C (1), Akta Keselamatan Dan Kesihatan Pekerjaan 1994, iaitu seseorang yang berniat untuk berdaftar sebagai orang kompeten atau penyedia latihan berdaftar hendaklah mengemukakan suatu permohonan bagi pendaftaran kepada Ketua Pengarah mengikut apa-apa cara sebagaimana yang ditentukan oleh Ketua Pengarah.

Seksyen 31C (2), Akta Keselamatan Dan Kesihatan Pekerjaan 1994, iaitu permohonan di bawah subseksyen (1) hendaklah tertakluk kepada pembayaran apa-apa fi sebagaimana yang ditetapkan oleh Menteri dan hendaklah disertakan dengan apa-apa dokumen dan maklumat sebagaimana yang dikehendaki oleh Ketua Pengarah.

3.0 TAFSIRAN

Operator Dandang Stim adalah panggilan kepada orang kompeten yang dilantik oleh pemunya atau penghuni untuk mengendalikan dan menjaga mana-mana loji berkaitan dandang stim sebagaimana yang dinyatakan di dalam peraturan 12(2) Peraturan Keselamatan dan Kesihatan Pekerjaan (Loji Yang Menghendaki Perakuan Kelayakan) 2024.

4.0 SKOP

Skop panduan ini adalah terpakai bagi pemohon yang ingin membuat permohonan sebagai Operator Dandang Stim.

5.0 SYARAT-SYARAT PERMOHONAN

5.1 Kelayakan Am Permohonan Sebagai Operator Dandang Stim Gred Dua (2) & Gred Satu (1)

- a. Warganegara Malaysia;
- b. Tidak pernah didakwa dan didapati bersalah atas kesalahan di bawah Akta 514 atau peraturan-peraturan di bawahnya;
- c. Disahkan sihat oleh Doktor Kesihatan Pekerjaan (OHD).
- d. Menghadiri kursus Operator Dandang Stim di pusat latihan yang diiktiraf JKPP;
- e. Lulus peperiksaan di pusat peperiksaan yang diiktiraf JKPP; dan
- f. Mengemukakan permohonan pendaftaran di dalam tempoh yang akan ditetapkan selepas lulus peperiksaan Operator Dandang Stim.

Nota: Syarat d, e & f di atas akan dimaklumkan kemudian.

5.2 Kelayakan Khusus Permohonan Sebagai Operator Dandang Stim Gred Dua (2)

- a. Mempunyai sekurang-kurangnya SPM atau SKM 2 atau kelayakan setara; dan
- b. Berumur tidak kurang daripada dua puluh satu (21) tahun pada hari peperiksaan; dan
- c. Telah berkhidmat selama tempoh tidak kurang dari dua (2) tahun sebagai atendan dandang stim; atau
- d. Telah berkhidmat selama tempoh tidak kurang daripada tiga (3) tahun sebagai pelatih atau jurugegas dalam sesuatu loji stim.

5.3 Kelayakan Khusus Permohonan Sebagai Operator Dandang Stim Gred Satu (1)

Telah berkhidmat sebagai pembantu kepada jurutera dandang stim atau operator dandang stim gred satu dalam penjagaan dandang stim yang di sambungkan kepada suatu julat dengan permukaan memanans tidak kurang daripada seratus 100 meter persegi selama tempoh tidak kurang daripada lapan belas (18) bulan semasa memegang kebolehan Operator Dandang Stim Gred Dua (2).

5.4 Kelayakan Permohonan Pembaharuan Operator Dandang Stim

- a. Pemohon yang ingin memperbaharui pendaftaran hendaklah memenuhi syarat-syarat berikut:

- i. Masih aktif menjalankan kerja sebagai Operator Dandang Stim dan disahkan oleh majikan;
 - ii. Hadir dan lulus kursus ulang kaji yang ditetapkan oleh Jabatan di pusat latihan yang diiktiraf JKPP (akan dimaklumkan kemudian);
 - iii. Disahkan sihat oleh Doktor Kesihatan Pekerjaan (OHD);
 - iv. Mempunyai majikan tetap;
 - v. Tidak disabitkan kesalahan di bawah Akta 514 - Akta Keselamatan dan Kesihatan Pekerjaan 1994 atau peraturan-peraturan di bawahnya; dan
 - vi. Tidak memperolehi pendaftaran atau pembaharuan melalui salah nyataan atau fraud.
- b. Bagi mengekalkan kesinambungan tempoh sah sijil kompetensi Operator Dandang Stim hendaklah mengemukakan permohonan pembaharuan tiga (3) bulan sebelum tamat tempoh sah sijil kompetensi.

6.0 PANDUAN MENGISI BUTIRAN PERMOHONAN

6.1 Kategori Permohonan

Kategori permohonan berikut adalah terpakai untuk Operator Dandang Stim Gred Satu (1) dan Gred Dua (2).

PILIHAN KATEGORI PERMOHONAN	PENERANGAN
PERMOHONAN PENDAFTARAN	<ul style="list-style-type: none"> - Setiap gred permohonan hanya boleh dipohon satu dalam satu masa. - Pemohon perlu mempunyai kompetensi Gred 2 terlebih dahulu sebelum memohon Gred 1 untuk setiap kategori.
PERMOHONAN PEMBAHARUAN	<ul style="list-style-type: none"> - Permohonan pembaharuan bagi gred yang telah berdaftar dan tertinggi sahaja

6.2. Panduan Mengisi Butiran Permohonan

Bahagian 1 : Maklumat Am

MAKLUMAT	PENERANGAN
Nama Pemohon	Nama penuh seperti di dalam kad pengenalan
No. Kad Pengenalan	No. Kad Pengenalan pemohon
Tarikh Lahir	Tarikh lahir pemohon
Jantina	Jantina pemohon
Kewarganegaraan	Kewarganegaraan pemohon, warganegara sahaja
Bangsa	Seperti di dalam Sijil Lahir

Alamat Surat Menyurat	Alamat seperti di dalam Kad Pengenalan Calon
Nombor Telefon	Nombor telefon peribadi calon dan aktif
Emel	Emel terkini calon dan aktif

Bahagian 2 : Maklumat Majikan

MAKLUMAT	PENERANGAN
Nama Majikan/Syarikat	Nama penuh syarikat/majikan seperti di SSM
No.Pendaftaran Kilang/Tempat Kerja	Nombor pendaftaran kilang/tempat kerja yang berdaftar dengan JKPP
Alamat Premis	Alamat penuh yang didaftarkan dengan JKPP
Sektor Industri	Sektor industri perusahaan majikan
No. Telefon	Nombor telefon syarikat yang terkini dan aktif
E-mel Syarikat	Emel syarikat terkini dan aktif

Bahagian 3 : Maklumat Kelayakan Akademik

MAKLUMAT	PENERANGAN
Institusi	Nama institusi pendidikan atau nama sekolah
Kelayakan Akademik	Kelayakan akademik sekurang-kurangnya Sijil Pelajaran Malaysia atau Sijil Kemahiran Malaysia atau setara dengannya;
Pengkhususan Akademik	Maklumat bidang akademik
Tarikh mula dan akhir	Tarikh mula dan akhir menghadiri pengajian

Bahagian 4 : Pengalaman Bekerja

MAKLUMAT	PENERANGAN
Nama Majikan	Nama majikan perlu dibuat carian di sistem
Tempoh Bekerja	Tempoh bekerja di syarikat terkini atau terdahulu
Jawatan	Jawatan yang disandang
Alamat Majikan	Alamat penuh majikan
No. Telefon	No. Telefon majikan
Email	e-mail majikan

Bahagian 5 : Kursus Berkaitan (Akan dimaklumkan kemudian)

MAKLUMAT	PENERANGAN
Jenis Kursus	Kursus Operator Dandang Stim
Pusat Pengajar	Nama Pusat Pengajar yang diiktiraf Jabatan
Tempoh Kursus	Tarikh mula dan tarikh akhir menghadiri kursus

Bahagian 6 : Sijil Kompetensi (jika ada)

MAKLUMAT	PENERANGAN
Sijil OYK	- Maklumat jenis OYK, tarikh lulus dan tarikh tamat sekiranya ada.

Bahagian 7 : Dokumen Sokongan

Sila rujuk 7.0 Dokumen di bawah.

Bahagian 8: Borang 115

MAKLUMAT	PENERANGAN
Akuan pemohon untuk membuat permohonan	Akuan pemohon untuk membuat permohonan berserta maklumat keluasan permukaan memanaskan dandang stim

Bahagian 9: Perakuan

MAKLUMAT	PENERANGAN
Akuan pemohon memberi maklumat	Akuan pemohon memberi maklumat yang benar

7.0 DOKUMEN

Dokumen sokongan berikut hendaklah dimuat naik untuk permohonan ini dan perlu disimpan di dalam format *PDF*.

BUTIRAN	PENERANGAN
Imbasan Kad Pengenalan berwarna depan dan belakang*	Salinan yang dimuat naik perlulah jelas serta berwarna depan dan belakang. Permohonan akan ditolak jika tidak menepati piawaian yang ditetapkan.
Surat – surat akuan asal daripada majikan yang menunjukkan tempoh berkerja, tugas-tugas harian yang terperinci dan jentera di bawah jagaan pemohon hingga sekarang.*	Surat – surat serta dokumen berkaitan seperti: i. Surat pengesahan majikan mengenai tempoh perkhidmatan bertarikh 3 bulan terkini ii. Salinan Log Book Boiler atau daily checklist sebagai pembantu Operator Dandang Stim yang menunjukkan penglibatan pemohon dan disahkan oleh majikan.

	iii. Sijil Perakuan Kelayakan Jentera Dandang Stim yang sah
Lain-lain dokumen sokongan (contoh: surat penjelasan tidak menjalankan aktiviti kesihatan pekerjaan *	Dokumen sokongan yang dirasakan perlu untuk menyokong dokumen-dokumen diatas termasuk i) Laporan pemeriksaan kesihatan daripada Doktor Kesihatan Pekerjaan; ii) Sijil Pelajaran Malaysia atau Sijil Kemahiran Malaysia atau setara denganya; iii) Sijil hadir kursus di Penyedia Latihan Berdaftar; iv) Sijil Lulus Peperiksaan.

8.0 PEMAKLUMAN

Pihak Jabatan boleh menolak permohonan, menggantung dan membatalkan pengiktirafan ke atas pemohon jika didapati :

- a. Tidak memenuhi mana-mana kriteria permohonan pendaftaran Orang Kompeten; atau
- b. Memalsukan dokumen dan maklumat permohonan; atau
- c. Telah melanggar mana-mana syarat yang telah ditetapkan oleh JKKP seperti yang dinyatakan di dalam surat kelulusan pendaftaran atau syarat-syarat lain yang dikeluarkan oleh JKKP dari semasa ke semasa ; atau
- d. Telah memperoleh pendaftaran melalui salah nyataan atau fraud.

9.0 FI

Pembayaran akan mengikut kadar yang ditetapkan di dalam Peraturan-Peraturan Keselamatan Dan Kesihatan Pekerjaan (Fi Bagi Pendaftaran dan Pembaharuan Orang Kompeten Dan Penyedia Latihan Berdaftar) 2024

10.0 PIAGAM PELANGGAN

Piagam pelanggan bagi permohonan Permohonan/Pembaharuan Operator Dandang Stim adalah tiga puluh (30) hari bekerja.

Disediakan oleh:

Unit Peperiksaan dan Persijilan

Bahagian Keselamatan Industri

Jabatan Keselamatan dan Kesihatan Pekerjaan Malaysia.